



05371



批點明詩七言律卷五

國朝

六清閣

明詩七言律卷五

東明穆文熙敬甫批選

石 星拱辰閱正

長洲知縣劉懷恕校刊

莆田陳知占繕書



徐相公

名階字子升號少湖更存菴華亭人嘉靖癸未探花官少師

劉南坦中丞以扇索題時南坦以病告歸

宦海鴻名四十年，江湖歸計蚤春前。自憐白髮尋勾

漏，不向朱門草太玄。郭外看山晴過雨，庭前種竹煖

明詩七言律卷五

生煙。遙知適意應如許，欲寫新圖繼輞川。

寶應湖即事

官程一雨靜無埃，汀草汀花細作堆。落日波光迷遠

望，空江月影墮深杯。山應有約移舟近，鳥為忘機向

客來。一片閒情誰與共，醉斜烏帽倚雲隈。

○ 橫溪為彭元禎賦

橫溪東去水迢迢，虛閣重簷共寂寥。山外夕陽斜度

鳥，雨餘春渚暗通潮。寒空落葉書聲靜，秋草孤帆客

夢遙。欲徙西湖湖上石，為君乘月更吹簫。

穆子曰百家詩載公

詩俱講學

語乃於全

集中覓得

唐調三首

梓之然公

相業在兩

朝詩不足

以盡之也



尹臺字崇基一號洞山永新人嘉靖間進士官尚書

送許元復秀才還吳中

童穉論交已二毛。相思吳楚隔風濤。空憐明月懸珠。偏憂此歸且理裘。羊逕莫學揚雄辨字勞。

謁荆川唐太史陳橋庄

幾歲風塵海甸昏。如公那得卧衡門。焚魚學士迹空。秘衣白山人。禮自尊。桂樹攀援聊賦隱。桃花開落更忘言。英雄出處元無定。不見南陽與渭村。

孫陞

字

部尚書

號季泉餘姚人嘉靖間進士官南禮

送劉使君赴袁州

十年通籍在金闈。才子元稱劉孝威。詩探驪珠傳省署。符分虎竹出皇畿。江村花發停朱轂。窓岫雲開坐翠微。遙憶東南山水郡。風流應繼謝玄暉。

鄰居王潘二館友見過

鐘鼓秋城送晚颺。留連二妙坐深宵。鴻鳴碧漢聲高下。月照清樽影動搖。摩詰才華推上客。安仁詞賦重中朝。買鄰何用千金費。日日相過幸不遙。

二詩如殿閣崢嶸鳴珮鏘然

孫王二公有倡和集王詩雄深孫詩爾雅風骨不同均為詩家上乘

明詩七言律卷五

二

世英



王維禎字允寧號槐野陝西華州人嘉靖間官祭酒

冬夜過林太史宅

王詩負氣不泄沈鬱有調大是正部之遺人多謂其有文而無詩豈不誤哉

北斗高城欲壓牆。南樓鼓角漸微茫。寒筵酒罷情仍  
劇。宵路月明去不妨。奕世衣冠周太史。驚人詞賦漢  
長楊。交游海內如君最。跨馬時來學鄭莊。

元日

白霧陰陰欲匝天。今年元日異常年。簪纓朝退沾猶  
濕。梅柳春遲凍不妍。趁節軒車交紫陌。臨風樓閣落  
朱絃。愁予正爾成孤坐。柏酒盈觴為罷傳。

明詩二言律卷五

三

卷五

贈方厓趙年兄之南都

十載承恩侍帝闈。封章四海奏曾稀。漢庭賈誼名何  
忝。春水吳舟志却違。寇盜關南鼙鼓急。烽煙塞下羽  
書飛。時危愁劇君仍遠。回首江樓定濕衣。

夏日同敖尹二太史劉客部朱憲使郊寺讌集  
會大雷雨是時朱得除督閩中學怯暑滯行予  
為紀述二首

市遠林深暑自微。城居六月旅遊稀。能驅汗馬臨中  
野。共坐虛堂敞北扉。過院雲霞看屢變。趁時雷雨罷



仍飛人間萬事誰堪問。但醉醒。莫遽歸。  
江行六月苦炎蒸。有客停橈滯五陵。匣劍囊琴愁獨  
卧。佛樓禪塔喜同登。雷轟舍利。朱光落雨。颯。魚。紫  
鴿騰。轉眼清秋南棹促。三山佳興共誰乘。

宿碧雲寺偕同遊諸子

秋深處處皆搖落。入寺松陰鬱未稀。斜日鶴歸寒共  
宿。上方僧定夜相依。為談夢幻嗟人世。却望雲霞滿  
帝畿。匡濟於今公等在。吾將從此結山扉。

寧山寺

明詩三言律卷五

四

風美

山除勝集神仙侶。野色晴看錦繡文。松老天風巢鶴  
鶴。塔高齊日鎖煙雲。回廊四起笙歌滿。峭壁千重木  
葉紛。莫把昏鐘促歸騎。天涯明發又離群。

原州鎮西樓松石公讌集用韻

危樓真倚白雲間。霧堞陰陰合萬山。地險胡塵空絕  
漠。天遙漢壘接重關。杯前劍罷笙歌起。塞上年來虎  
豹閒。壯觀平生今更幾。坐升海月不知還。

原州魚池秋泛用三渠宮論韻一首

夜深燈火燦池臺。歌管留憺未擬回。十里煙花雙放



舸百年天地幾銜杯。入波星斗帆前動。驚吹鳧鷗島上。來笑指滄洲。生遠興。醉吟巴曲愧雄才。

臨潼初度

辛丑仲冬月二日。吾今三十五年過。漫將車馬驅塵海。豈有文章艷綺羅。冉冉松雲依閣度。輝輝梅日傍人。和他鄉杯酒難成醉。策杖驪山望故阿。

嚴嵩

字維中。號介溪。分宜人。嘉靖間官少師。

次襄陽

朔雪荒臺獨鴈飛。楚鄉凝眺轉依依。天連浦溆惟寒

明詩七言律卷五

五

水。山隱城臯已夕暉。旅客競尋潼口住。釣船閑傍鹿門歸。龐公舊隱巖扉在。悵望無因得息機。

○無逸殿直舍和夏少師公韻

燈燭通宵晃御廬。霧窓雲閣近宸居。瑞煙入座香浮苑。寒影窺簾月到除。緱嶺乍聞丹鳳吹。穀城先訪赤松書。歸來未向人間說。天語親承燕對餘。

○見用修贈張生詩和以寄之

文酒高懷強自寬。風煙異域若為懽。哀歌漫引馮驩鉞。感遇空彈貢禹冠。梁月漸低回遠夢。塞鴻初至得

諸詩清奇亦為聲律家不廢



新翰。春愁知恐銷容髮。莫向天涯重倚欄。

羅洪先 字達夫號念菴吉水人嘉靖己丑狀元官贊善

登雙江公凌空閣

賢善多識學詩茲采其唐調二首錄之

拔空披翠八窓開。誰向青霄起玉臺。舊客遠從雲外入。主人新自日邊回。憑軒獨坐千峯上。斲地高歌萬壑哀。來往便當乘鶴背。愛君身已出塵埃。

秋日登覽勝樓

登樓已覺江流壯。江外群山遠更奇。千里波寒來棹處。萬家砧動倚闌時。斗牛夜氣雙龍近。彭蠡秋聲一

明詩七言律卷五

六

鴈。知客到莫論誰地主。徐亭煙月向人遲。

唐順之

字應德號荆川武進人嘉靖間官都憲

張相公壽詩

唐公詩典麗春容綽有感唐體裁但其時義擅場一代詩為所掩予故表而出之

惟中運策九州清。共說留侯在漢京。賜第近連平樂觀。入朝新給羽林兵。儒生東閣承顏色。酋長西蕃識姓名。却望上台多氣象。年年長傍紫宸明。

朱仙鎮觀岳將軍廟

吊武穆詩此為絕唱

丹青畫壁閃旌旂。想像勤王轉戰時。黃屋未歸南狩駕。金牌已罷北征師。平蕪漠漠前朝曠。野陰陰暮



鳥悲惟有西湖原上樹春來猶發向南枝

元夕詠冰燈

正憐火樹鬪春妍忽見清暉映夜闌出海蛟珠猶帶  
水滿堂羅袖欲生寒燭花不礙空中影暈氣疑從月  
裏看為語東風暫相借來宵還得盡餘歡

登喜峯古城時三衛貢馬散牧塞外

絕頂孤峯見廢關短衣落日試躋攀三秋豹旅方乘  
障萬里龍媒正滿山候鴈似隨鄉思去寒花將送使  
臣還籌邊迂薄真無補空望伊吾抵掌間

明詩七言律卷五

七

吳丙初

許穀

字仲貽號石城上元人嘉靖間太常卿

潞河道中寄都諸君

長河南下客程遙北望燕山翠不消散吏衣冠今故  
國美人簪珮總丹青風前驛樹枝搖落天外江鴻影  
寂寥向日金門還曳履雲中重聽奏簫韶

秋懷

老向都門學種瓜炎涼長是惜年華西堂蟋蟀還依  
草南浦芙蓉已著花蓬鬢故應裁白幘塵容何處覓  
丹砂秦淮東望秋濤淨醉後思乘上漢查

許公家建  
業自能為  
六朝風流  
語



蔡詩思深  
語險不落  
塵詮

蔡汝楠字子木號白石浙江德清人嘉靖壬辰進士官大司空

○遊徐公子西園

西園飛蓋月中遊。隨意登攀自可留。門逕近連馳道。樹池塘遙接漢宮流。坐看虛牖明珠爨。行見深松間畫樓。一自王孫開別第。鳳臺花鳥不知秋。

自題前山草堂

草堂舊結北山阿。逋客還家洽薜蘿。遶院松林嵐翠重。滿庭蕉葉雨聲多。清樽自對叢花發。高枕無如啼鳥何。若道世情堪澹處。門前終日俯滄波。

明詩七言律卷五

八

吳河切

○題揚州郝公東園寘樓

大隱結樓城市裏。獨憐樓戶向東開。瓊花不受西風落。虛幕常迎曙色來。海畔三山堪寄眺。林間五老共傳杯。知君別訪長生訣。倚檻時時待鶴回。

遊南嶽三首

三詩如閨  
風起霞險  
惟百出

五峯高插紫冥開。南極星辰入望迴。綠字尚留神禹碣。瑤函仍秘上封臺。巖前林靄千層碧。山外江流百折來。最是平生葵藿志。夜深觀日倚徘徊。

迴風高喧訝秋寒。炎德由來桂樹繁。衡嶽總為南國



批句

紀祝融尤擅五峯尊。天連紫蓋懸江色。雲起朱陵  
洞門。歷歷名山皆屏翰。守邦何以稱維藩。  
分符不廢尋丘壑。風物誰言邁永嘉。自覺躋攀出塵  
境。行看籬舍總仙家。危峯倒映常流澗。密樹晴飛不  
斷霞。祇嘆湖南懷古意。九疑無處望重華。

送何縣令赴東莞

何君標格冠衡陽。官應星辰近拜郎。衣錦暫還湘水  
曲。腰章遠赴粵人鄉。萋藤接屋公庭靜。茉莉編籬別  
院香。一片冰心向南海。誰知嶺表是炎方。

明詩七言律卷五

石鼓山李別駕席上詩似諸君

芳草叢生楚水湄。招邀勿負賞春期。東風傍柳連轡  
度。細雨聽鶯轉旆遲。世路睚眦嫌忤物。侯門捭闔笑  
干時。總知浮譽終何益。坐對江雲但詠詩。

自岳陽泛舟下武昌呈姚嚴二使君

炎天征路洞湖邊。聊駐油幢訪洞仙。徒從便隨漁客  
棹。煙波誰認使君船。鳴榔落水沙痕出。魚浦濃陰樹  
影連。行望江樓黃鶴近。白雲如待意悠然。

岳陽似姚臯亭使君



使君遲客岳雲隈。客愛登臨去旆迴。路轉高陵巴子  
盡湖歸衆水。洞庭開亂帆。飛葉沿城渡。孤嶼浮青入  
檻來。知是何年張樂地。如聞餘韻繞層臺。

題贈宗室匡南

窓裏匡山榻上雲。香爐晴靄晝氤氳。不離南浦心常  
到。為道天池月是君。別館條然如隱士。高情密爾寄  
斯文。長謠若繼唐供奉。須遣詩筒報客聞。

簡羅念菴修撰

再辭金馬返園林。記別青門歲月深。文應五星方擅  
世學窮三昧。一冥心雲遊不遣人間識。龍卧唯傳物  
外吟。想見閣前千頃玉。肯容載酒共登臨。

九日邀大行朱白野登西亭宗尉園樓

滿甕茱萸物候催。邀歡寧藉白衣來。風前鴈自關山  
度。籬下花疑故苑開。褰帳最憐南郡客。登高况倚信  
陵臺。留連非止酬佳節。心醉西園集上才。

衛源孟公邀遊東園時牡丹盛開

大梁東郭上卿家。為訪名園嘆物華。隔歲別來重命  
酒。一春今日始看花。長迎朝旭枝偏麗。不受西風卉



獨嘉和氣。波人兼既醉。酩顛相送出紅霞。

送張許東進士北上待次補令

中州詞伯許東居。相見溫然玉不如。持服多年卧墟里。彈冠此日戒輶車。終期孤鳳依青瑣。先望雙鳧向紫虛。慙似吳公方守洛。憐君未達薦賢書。

寄懷董潯陽少宰

天上離群倏暮春。江南薊北隔音塵。論交鮑叔偏知我。推轂祁奚不避親。蒼水自隨移跡遠。黃麻行見沐恩新。濟時異日咨元老。莫道衰顏是舊臣。

靈谷寺送唐默菴兼簡錢南郭

西曹出祖向東林。勝境那堪離思侵。山徑疎松分曉翠。郊原平楚帶秋陰。空江鳧鷖天邊影。上國鸚鵡夢裏心。此去山公定相問。稽康好嬾別來深。

寄唐一應德

蚤承優詔返林居。病院蓬蒿仲蔚廬。野逕採樵逢射雉。水鄉穿沼試觀魚。碧山相對幽情愜。愚谷爲鄰世事疎。聞說經年謝詞賦。閒窓應注道家書。

覽皇甫進士經海印廢寺之作因寄

潯東自公輔之馳詩能早發之不洛溢語



帝京舊寺識慈恩。鏡水蕭條傍繚垣。無復山門訪支遁。獨留徑草待王孫。樂遊苑近花猶發。說法人非鳥尚翻。聞道夫君諳內學。本來空處更何言。

○高座寺

雲公臺榭至今留。休暇追隨訪古遊。秋色總歸紅葉寺。楚江還見白蘋洲。松林月上言彌靜。閣道鐘殘思轉幽。莫訝為郎貪佛日。官閑禪定兩悠悠。

贈醫僧際公

本為入山醫鶴病。逢師元會大乘禪。世人未解華嚴

明詩七言律卷五

十一

偈。妙法聊從藥品傳。香供每添靈草味。黃金即布杏花田。願陪默坐看爐火。亦似維摩得道年。

遊南嶽

為耽名嶽赴炎荒。更問禪宗歷上方。祇謂新秋餘伏暑。不知初地皎清涼。南巖久廢傳燈室。諸寺空開說法堂。但對寒山證空寂。何勞半偈使心降。

高叔嗣

字子業。號蘇門。洛陽人。嘉靖癸未進士官廩使。

再次真定城別陳秉中時自京西還

經途雨雪涉冬春。倉卒重過柰此身。客舍留人村酒

蘇明律體  
有古意乃  
感明作者



孰官橋繫馬柳枝新。河山半折北來路。烽火全驚西望塵。別去定知頭白盡。邊隅誰念一征輪。

○飲平定孫太守宅奉贈時壽八十二

榆關月出滿晴暉。留客芳尊盡夜歸。本戀青山辭虎竹。甘垂白髮守魚磯。藥欄傍戶花香入。藤樹當庭葉露微。便向磻溪問衰健。周王仍欲夢熊非。

○東原晚望答李鴻漸

東原晚望草煙齊。久卧無心出路迷。閒立秋風看木落。獨行斜日聽烏啼。一官已謝於陵後。百畝纔開莘野西。此地故人應念我。逢人昨有數行題。

明詩七言律卷五

十三

何成業

送抑之侍御謫興國

別離無柰客心煩。直道南遷荷主恩。臨路加餐好自愛。平居握手更何言。連山楚雨迷官舍。隔縣鄉音認故園。君到江州定回首。同遊霄漢幾人存。

○莫如忠

字子良號中江華亭人嘉靖間進士官方伯

○遊寺

香界追攀十載曾。薜蘿深處翠微層。齊梁古跡譚雙樹。水月玄心鏡一燈。山鳥弄晴春冉冉。閣雲凝碧畫

方伯深於詩有長安道中一首尤為絕唱偶失之矣



冥冥投箸莫訝歸無侶猶有逢迎白社僧

春日遊虞山

興在春山獨遠尋行隨杖屨歷嶽岑千盤磴出花間  
路百轉鶯調谷口音石洞流雲蔽窈窕海門初日變  
晴陰更臨絕巘看飛瀑頓覺清泠淨客心

駱翰編

名字失考嘉靖間官翰林

嚴先生祠

富春山下鬱春煙曉日樞衣古廟前遺跡不隨陵谷  
變高名常與日星懸灘聲汨汨流偏急松色蒼蒼節

明詩七言律卷五

古

葉

更堅慚愧十年南北路遠心空寄白雲邊

訪友塗中滯雨

長河波浪渺無津疋馬西風日易曛客舍况逢三日  
雨故人猶隔數重雲山容慘澹富窓見鳥語啾啾近  
水聞信有路難行未得旅愁鄉思益紛紛

方攸躋

字君敬號篆石莆田人嘉靖庚戌進士官  
負外郎

寄余德甫年丈

梅福都門早掛冠章江歸去老漁竿塞帷南越鯨波  
靜高枕西山劒色寒世上虛名悲燕雀秋來幽谷憶

翰編詩有  
幽致詞復  
典麗

余初不諳  
方心乃其  
里人陳本  
容則亟道  
之為覓二  
首錄之果  
感唐語也



芝蘭樵川倚杖霜楓暮萬里愁心寄杯斝

八日

曉雲東望七臺前碧草長堤生煖煙歲事金花才七日山城旅食已三年風塵病色春堪起湖海狂心老尚懸回首明光成夢幻感時徒自拂龍泉

包節

字元達華亭人嘉靖壬辰進士官御史

九日與客小坐偶對鸚鵡兼聞笙

湟中留滯兩重陽一上烽臺思渺茫落葉共為江海客野花聊薦歲時芳當筵解語調鸚鵡鄰院吹笙寫

包公在放逐中詩意和平殊無澤畔之苦

明詩七言律卷五

十五

星道

鳳凰子晉禰衡精爽在豈憐愁緒勸飛觴

臨淮遇雪贈劉漸齋侍御謫居

白簡彤庭幾抗章一麾銅墨便為郎關門變柳猶飛雪縣郭無花祇避霜雲接楚山聊隱吏地臨淮海舊興王可應禁闥違長孺帝念中都是沛鄉

彭城贈顧一諫議自居庸遇赦還蘇州

歲晚逢君塞上來紫貂零落劒花開猶思玉殿批鱗日敢望丹霄托鳳迴去國幾經邊地草還鄉初發故宮梅長洲茂苑真堪隱漢帝能忘買諛才



答薛方山

河外乘城歲幾除。故人能寄數行書。關榆擁日通官舍。塞草含煙藉使車。定遠貴從投筆後。當陽功自注經餘。知君夙負平胡畧。振旅高秋慰索居。

王問

憲

字子裕號仲山無錫人嘉靖壬辰進士官僉

將至金陵聞喬景叔遷官赴蜀

仲山子繼山君與余同省署故余得習於王公之詩蓋如姑射仙子吸露餐霞少無塵

共期江上聽潮聲。幾歲秋風旅鴈情。正喜舟臨桃葉渡。忽聞君向蜀山行。巴川水映琴臺落。劍閣雲隨馬足生。後會不知何日是。鐘陵西望淚縱橫。

明詩七言律卷五

六

崔植

遊牛首山歸與寮友宿天界寺

看山遙在萬峯西。歸路亭亭江日低。散吏自堪攜伴侶。閒心猶得住招提。經壇露淨天花落。塔院風清谷鳥啼。長習跏趺入禪寂。亦知虛幻此生迷。

送顧九華赴滇南幕府

城邊日出曉裝成。送子昆明萬里行。五華峯前無鴈度。分茅嶺外有猿聲。滇江半是黔人國。銅柱常標漢騎營。欲建勳名須絕域。渡瀘休起故園情。

謁韓祠

溘之氣者耳



落鬼行歌入市門。市中誰解識王孫。武關預定三秦計。漂母終償一飯恩。祠下春繁虛白晝。城陰秋草易黃昏。弓藏漢帝東遊日。寂寞潮聲平古冤。

文徵明 字徵仲號衡山長洲人嘉靖間聘為待詔

○致仕出京馬上言

白髮蕭疎老秘書。倦遊零落病相如。三年虛索長安米。一日歸乘下澤車。坐對西山朝氣爽。夢回東壁夜窓虛。玉蘭堂下秋風早。幽竹黃花不負予。

經西苑平臺有作

日上宮牆霏紫埃。先皇閱武有層臺。下方馳道依城盡。東面飛軒映水開。雲傍綺疏常不散。鳥窺仙仗去還來。金華待詔頭都白。欲賦長楊愧不才。

承光殿在太液池上一名圓殿中有古栝數百

年物也

小苑平臨太液池。金鋪約戶鎖蟠螭。雲中帝座團瑤蓋。城上鈎陳繞翠旒。紫氣曾迴雙鳳輦。青松猶並萬年枝。從來清蹕深巖地。開盡碧桃人未知。

雨中放朝

徵仲書法高一代人多以書求之不知詩思秀爽雅有可傳其二子彭嘉俱有父風然不得其詩矣



楊沈二公  
號稱烈士

夫意其大  
惟也乃其  
詩俱颯颯  
然有鼓

霏微芳潤浥霓旌。歷落丹墀散履聲。暝色浮煙迷左掖。碧雲將雨近西清。柳垂青瑣千絲重。水落銀橋萬玉鳴。沾灑不辭袍袖濕。天街塵淨馬蹄輕。

楊繼盛

字叔山容城人嘉靖間進士官兵部員外郎贈太常少卿

### 夜感月有懷

鎖合西臺煙霧浮。孤燈相對夜悠悠。寒欺草榻涼如洗。風捲星河暑欲流。報主獨憐成孟浪。論交誰復憶同游。多情惟有舊時月。猶自偷光入氣樓。

沈鍊

字子剛號青霞山陰人嘉靖間進士贈光祿卿

明詩七言律卷五

六

真道

### 答陳鳴野社友

十年赤縣頻為吏。一疏中朝便落官。勞寄音書如夢寐。細籌世路轉艱難。馬蹄最識邊沙苦。鴈影猶驚塞月寒。詞客幸能憐旅況。玉門應為賦生還。

皇甫孝

字子安號少玄長洲人嘉靖壬辰進士

### 赴丹陽廣福寺與弟言別

古寺碑題西晉年。澄湖如練倚窓前。寒雲自覆金光殿。葦草猶埋玉乳泉。楓葉染霜秋後色。雨花和梵夜中禪。亦知閱水同觀世。不奈潮聲送客船。



皇甫伯仲  
以詩為業  
各臻妙境  
而司勳尤  
為白眉

伯華以善  
棋名又嘗  
作寶劍記  
故司勳及  
之亦甚本  
色

皇甫洵

字子循號百泉長洲人嘉靖己丑進士官  
稽勳郎中

○應謝二兵曹見訪不值

城東聊寄逐臣居何事頻迴長者車南郡才華推謝  
眺西園詞賦重應璩朝聞散佩鑪香裏時共談兵樽  
俎餘却恠披帷人不見壁間鳳字漫留書

訪李伯華太常

拂衣歸卧一丘安命駕何辭千里難書插高樓蟲蠹  
盡棋拋別墅鳥污殘雄心每向詞中發變態都將戲  
裏看自愧交知成白首猶持長劍倚人彈

明詩七言律卷五

十九

雁直

嚴潭席上贈王進士

少年獻策承明後遂見乘輅出漢關司馬新為巴蜀  
使買臣初向會稽還江邊路轉通吳苑天外霞標指  
越山不是絳紗門下客何由瓊樹一相攀

○普德寺

古寺城南訪六朝高臺一望幾蕭條門前黃葉催年  
暮林外青山覺路遙塔影常圓沙苑月鐘聲靜帶楚  
江潮老僧宴坐耽禪定送客何曾過虎橋

送王戶曹擢九江守



走公才情  
清逸不  
作怪句  
自後帶  
輕乘當  
推首筆

甘泉獻賦早知名，才子為郎在兩京。  
闕下承符初出守，郡中列戟已相迎。  
空庭廬嶽晴雲色，燕坐潯陽江水聲。  
試覓古來循吏傳，幾年年少寄專城。

李時行

字少借號青霞番禺人嘉靖辛丑進士官主事

憶昔

水落天空澹暑收，微茫煙渚隔沙丘。  
寒催砧杵千家月，霜到關河幾樹秋。  
聲斷塞雲聞鴈過，光侵池草見螢流。  
感時王粲心徒切，獨倚荆南萬里樓。

酬陳鳴野見寄

明詩三言律卷五

子

舊耳

千里勞君問索居，江空歲晚獨愁予。  
祗緣嶺外無來鴈，莫道天涯少寄書。  
草逕秋深吟蟋蟀，石池霜冷落芙蓉。  
關河迢遞風塵隔，兩地同看月色虛。

夏日同姚子玉費子文遊雲居寺

蒼煙白石滿空山，野寺深藏亂竹間。  
遊客謾隨清磬入，老僧長對落花閒。  
潭邊宿雨從龍去，樹底殘雲伴鶴還。  
盡日臨流恣幽賞，披襟坐遍石苔斑。

小浮丘閒居

門巷春深晝不開，堦前蝸跡雜苔斑。  
沾沾自可長留



客市隱何須更買山。有興獨尋芳草去。無機唯愛白雲閑。坐臨磐石看流水。日暮常隨倦鳥還。

借姚唯之宿甘露寺

城頭山勢隱樓臺。千古禪宮向水開。帆帶暮雲歸海去。風吹明月過江來。幾宵清話分僧榻。一片閒情付酒杯。世事悠悠君莫問。寒潮東下幾時回。

九日客淮上有懷

返棹東吳未有期。風塵湖海尚驅馳。黃花已負三秋興。明月空懸千里思。露冷袁郎江口樹。雲深漂母驛邊祠。夜闌一曲西樓笛。何處征人怨別離。

明詩七言律卷五

七

徐宿

曹大同

字子貞號于野南通州人嘉靖間貢士授光祿署丞

登岱嶽

宗嶽磴盤高造天。翻從下界見雲煙。登封漢蹕餘風景。表記秦碑空歲年。絳節香飄龍虎馭。玄壇寒切斗牛纏。微茫八表浮元氣。較似身遊太古前。

登燕子磯次韻

百疊蒼屏一徑通。背巖馭草子枕江。雄歸雲擁樹藏深。寺峭嶺連城上逼。空窗戶。煙花晴照裏。六朝興廢水。

三詩氣勢磊砢有岱嶽金陵之雄



聲中閒情徙倚虛明界鐘磬蕭蕭落晚風

施漸 字子羽號武陵無錫人嘉靖間官縣丞

寓居寺閣晚坐遣興一首

高閣東林出翠微萬家煙樹晚依依涼風入院僧初定片月臨窓鳥獨歸學道但令知我少逃空始覺足音稀社中何用求玄度久住深山自息機

過洞庭湖

春暮登臨到岳州洞庭形勝盡中流桃花浪濶三江水楊柳絲長百尺樓鞍馬去年京國嘆煙波今日故

明詩七言律卷五

廿三

徐宿

鄉愁蒼茫南北勞相憶又向長沙繫葉舟

徐渭 字文長山陰人嘉靖間庠生

二月十三日自順昌返越復過延平宿劔潭

沙洲碧樹遠煙生此夕維舟古劔城幾日漸看春色暮經年猶在客途行郡當積水谿流會岸夾浮橋鐵鎖橫睡起推篷來月影猶疑劔氣拂波明

送彬仲應貢北上

經閣詞林早擅名莫將難遇嘆平生已通薦籍非無路不負相知在此行萬里桃花添馬色一行征鴈渺

文長白鹿一表才名

特起詩國稱之

文長全

集思意

飄忽誠

明朝之

大令也

未見售



離情定知後夜相思處獨坐山居對月明

白燕

閑庭盡日見還稀院院梨開去漸微別殿幾年埋玉  
匣舊人何處認烏衣春風水面徒聞語夜月梁間好  
弄輝安得姚家紅線縷即看片雪帶花飛

唐鶴徵

字玄卿號凝菴無錫人陸慶辛未進士官禮部郎中

史郡伯招同郡諸公飲新園即席接贈

厭從末路走時名北圃南園祗獨行久卧林臯知物  
化自辭朝市見交情疏池為借濠梁色種竹將分嶰

明詩七言律卷五

六

三

谷聲虛館月明人散後時繙內典學長生

送茹侍御子孝出按宣大

執法班高列殿中旋看繡斧倚花駘舳艫九道徵輸  
集鎖鑰三關氣象雄此日金縉應減費他年士馬合  
收功雅知尊俎多長策豈藉朝來貢市通

病足

蚤持三戒事栖禪蒲柳其如質未堅於我有形真是  
幻見人無恙却疑仙縱長似鶴寧容斷或少如夔則  
可憐無趾尚知尊足在穀中不中謂非賢

玄御名家子  
方為孝廉時  
值拱辰杖逐  
乃登其舟呼  
與之言意氣  
慷慨有節俠  
風及其既第  
又過吾里與  
拱辰飲數日  
而去兩事余  
適不虞然心  
知玄御奇士  
也其詩之雄  
儒磊落大類  
之全稿未出  
僅得四首

得



庚辰冬懷東臬石公兼致少春穆公

悠悠岐路日東流，可謂身閒便自由。謝傅固應懷遠志，虞卿何得老窮愁。鷗飛乍息風將起，豹隱雖深霧欲收。為問琴書他日事，庭前玉樹幾枝抽。

屠隆

字長卿，號赤水寧波人。萬曆丁丑進士，任清浦知縣。

○冬夜酌司馬公所

長卿尹南中，與諸吳人為詩，雄辯錯落，逸氣飛翻，若越兵橫行江淮間，霸氣森然，晚得其集，可為吾選駁後。

朔風吹海暗蒼蒼，門掩疎桐落葉黃。江上青山宜莫雨，尊前華髮感流光。孤城擊柝寒聲壯，高館燒燈夜色長。坐到殘更銷白墮，開簾河漢度微霜。

明詩三言律卷五

六

廿一

○范司馬公園

秀水扶疎衆草齊，開殘紅藥半香泥。鳥窺青嶂平湖入，人倚朱樓落日低。曲竇暗通花徑外，垂楊橫過石闌西。坐來麋鹿深深見，不是桃源路已迷。

入直左掖中貴乞詩有作

兩朝出入有輝光，五夜疎鐘漏未央。萬樹宮花歌竇扇，千門御柳映明璫。心如芳草生金輦，身是紅雲近玉皇。不貴人間明月色，曾於天上聽霓裳。

○送凌合肥

似  
凌  
原



美名年少氣從衡，迢遞吳天一騎行。  
草色秋連盧子國，潮聲夜上楚王城。  
山川日落雄風起，壁壘烟銷古戍平。  
把酒菰蒲江月出，應知慨忼使君情。

### 長安秋興

露白金鋪秋色微，夜長銀漏月輝輝。  
五侯駿馬金為飾，九月盧龍鐵作衣。  
風急短刀鳴曠野，霜清長筴傍寒機。  
登臨不灑關山淚，三十年來意總違。

作客長安幾月明，金刀玉尺總關情。  
高鴻畏向蘆花宿，遠客翻衝木葉行。  
濁酒且憑留暮色，寒天何處不

明詩七言卷五

一八

五

秋聲蕭蕭古路蓬根在，心折關河班馬鳴。

### 秋閨怨

燕去春泥落畫梁，螢飛團扇玉階涼。  
強將錦字傳秋鴈，却恨疎簾捲夜霜。  
宛轉流蘇愁自結，步搖寶髻不成妝。  
妾身願作關山月，猶得年年照朔方。

### 揚州懷古

直將千古掩風流，宛轉竟迷十二樓。  
半部烟花銀燭夜，滿江風雨錦帆秋。  
歌殘艷曲傳商女，香散金塘自水鷗。  
年去年來春草綠，斷腸明月照揚州。



○金山寺

樓臺澤氣寫氤氳。萬里空波蕩夕曛。天地蒼茫孤寺出。東南咫尺大江分。鐘聲夜度秦淮月。樹色寒生瓜步雲。不用蓬萊望宮闕。吾將此地淨埃氛。

寄開之

關山一隔故人歡。幾見長河明月團。水落濠梁三楚白。雲生蓼國九江寒。向來日月侵雙鬢。何物乾坤寄一官。廣陌青驄能念我。不如楊柳傍金鞍。

送顧汝和中翰奉使滇南還朝

酌酒登車覽大荒。馬頭雙劍落春霜。花明漢節為天使。水綠蠻雲是夜郎。萬里老披銅柱月。千金貧謝尉佗裝。送君正好歌南浦。欲採靡蕪不滿筐。

喜馮開之予告歸

滄江豈是學垂綸。龍性終然不可馴。三殿晴雲傳賜詔。五湖烟月引歸人。西灣水綠堪銷夏。南浦花紅好送春。持節回來還四壁。漢朝惟有馬卿貧。

寄張伯起

蚤罷公車事隱淪。才名俠骨重王孫。家藏七首堪臨



難客有如姬解報恩歌入天風吹白恰酒深江月浸  
朱門看君直以千秋論吾道今知丘壑尊

聞元美先生有奇遇詩以訊之

千年綵筆揆銀河帝許食霞卧薜蘿遂有靈妃掬玉  
珮不須石洞采金鷲蹉跎我已慙勾漏咫尺君應到  
大羅自向蓬萊見清淺西飛白日奈人何

聞嘉則君典開之會於湖上有作

仙人親汲虎跑泉路踏千峯竟窅然何物凌空堪鳳  
嘯忽吹長笛醒龍眠夜深月色嬌歌扇水冷桐陰覆

明詩七言卷五

廿七

酒船自笑無端身作吏飛心遙挂白雲邊

溫純

號益齋乙丑科進士陝西人官工部侍郎

同李敬齋藩叅杜質菴按察飲望嶽樓

危樓縹緲倚雲成西望名山勢若平太液融城晴亦  
雨天門返照夜猶明相逢杜甫饒新句得御李君感  
舊盟安得乘風凌絕頂紫霄長聽步虛聲

李遇齋看雲池卷

荆樹相看不記年孰詩共詠鶴鴿篇彩雲常傍連枝  
會白日何妨學杜眠海上春餘芳草畔天涯秋老片

字 待 多 似

溫公文即抗  
疏余猶見之  
今觀其詩則  
勁節直氣微  
然望見開  
故多詞人蓋  
工部之遺也  
余於公有益  
信之



鴻前故園招隱憑誰賦難弟風流亦謫仙

上巳邀汪伯玉遊西湖

乘時脩禊倚烟波爲愛風流晉永和久別共憐霜入  
鬢乍逢但有酒如何移舟曲傍蘇堤柳躡蹠危捫葛  
嶺蘿故吏于今回首望陽春似聽郢中歌

定海同王將軍張按察觀水操

障日樓船破浪過平臨島嶼盡橫戈將軍不喜髀生  
肉甲士翻愁海息波投石爭傳勇可賈折衝敢道筭  
還多中流欸乃聲聞遠似是功成奏凱歌

明詩七言律卷五

廿八

同胡藩叅蔡憲使遊江心寺二首

異地金焦景物齊特從波裏起招提簷前水隔塵寰  
路壁上紗籠御筆題獨立潮頭天上下平臨月色塔  
東西只愁片石江浮去誤作張侯入斗迷

寶刹空懸四望低忽憑一蒂共攀躋水雲亂鎖孤峰  
合天地雙瞻北斗齊定有靈根從閩轉故晉化境喚  
人迷湏史便向紛囂去也勝虛遺杜甫題

王暘谷邀遊墨池園時乃弟光祿君在席池即  
右軍洗硯所謝氏夢草堂亦在側



用事  
送別  
不啟

選勝名園傍斗城。客來倒屣笑相迎。欄成曲折花爭媚。坐倚芬芳鳥不驚。春草于今饒謝夢。墨池依舊紹家聲。主人且莫投吾轄。還欲重為結襪行。

送直指詹使君還朝

俚字

芙蓉落日映池紅。悵別啣杯嘆轉蓬。公事湖中容易了。交情海內恐難逢。旌旗猶帶隨車雨。吳越應餘攬轡風。民力東南今瘁甚。憑君此去達宸聰。

送王懷棘直指還朝

湖上張筵漫采蓴。那堪把酒望飛塵。觀風何意膠枝

明詩七言律卷五

廿九

非

漆攬轡。寧分越與秦。坐久野烟連。畫舫簾開山色擁。征輪入朝。遠憶南床傲。安得餘光及海濱。

登太嶽

高薄層霄禮上玄。徘徊回首咲塵緣。烟生萬壑疑無地。雲散孤峰忽有天。虎豹閑開容我住。椰梅花發憶仙傳。不聞亥子真丹訣。獨立蒼茫思渺然。

送友人令蜀

十年遲爾南宮荐。一對公車萬里行。何處風烟搖筆賦。有時山水入琴鳴。鳧飛劍閣仙為令。花應江流錦



作城祇恐寇君惜不得徵書御鳳下承明

送孫栢潭太史還朝

西湖秋水浸芙蓉不盡攀留別思濃已藉青藜空白  
屋共言江海得人龍金蓮寵錫仍歸第玉笋先班復  
聽鍾此去定紆側席慮應多上賞及儒宗



